

傷寒補天石

卷一

傷寒補天石卷下

明吳中戈維城存橘甫著

二然朱陶性校

時行疫證第五十二

時行者春應暖而反大寒夏應熱而反大涼秋應涼而反大熱冬應寒而反大溫此非其時而有其氣是以一歲之中長幼之病多相似者此卽時氣春感寒邪在肝升麻葛根湯夏感涼邪在心調中湯秋感熱邪在肺蒼朮白虎湯冬感寒邪在腎名曰冬溫萎蕤散邪在肺蒼朮白虎湯冬感寒邪在腎名曰冬溫萎蕤散

湯溫疫通用人參敗毒散加芍藥葛根升麻從春分至秋分天有暴寒者皆爲時行寒疫宜用辛溫藥發散時氣表證見者人參敗毒散裏證具者大柴胡湯半表半裏者小柴胡湯

寒疫傷寒第五十三

寒疫者天令暴寒入感冒之卽病也其證與正傷寒同但感冒爲輕未發熱藿查正氣散已發熱十味芎蘇散發熱體痛羌活冲和湯主之

中暑中暎第五十四

暎卽熱病也動而得之爲中熱靜而得之爲中暑寒傷形熱傷氣傷寒則外惡寒而脈浮緊傷暑則不惡寒而脈虛故曰脈盛身寒得之傷寒脈虛身熱得之傷暑傷熱傷暑亦自不同有熱傷太陽經與傷寒相似者有熱傷心脾二經而不在太陽者要在明辨治之也經曰太陽中暑者暎是也其人汗出惡寒身熱中暎也成無巳曰汗出惡寒身熱不渴者中風也汗

出惡寒身熱而渴者中暎也又曰太陽中暎者身熱體重而脈微弱此以夏月傷冷水水行皮中所致也夏時暑熱以水灌洗而得之又曰太陽中暎發熱惡寒身重疼痛其脈弦細芤遲小便已洒洒然毛聳手足逆冷小有勞身卽熱口開前板齒燥內經曰因於暑汗煩而喘渴口開以喘渴不止故前板齒燥若發汗則惡寒甚加溫鍼則發熱甚數下之則淋甚並用入參白虎湯東垣曰動而傷暑心火太甚肺氣全虧

故身熱脈洪大動而火勝者熱傷氣也白虎加人參  
主之辛苦之人多得之靜而傷暑火乘金位肺氣出  
表故惡寒脈沉疾靜而濕勝者身體重也白虎加蒼  
朮王之安樂之人多受之暑傷心心不受邪包絡受  
之包絡本相火也以火濟火故熱甚而昏不省也急  
用童便灌醒隨用黃連香茹飲冷服之戴元禮云暑  
風卒倒有因火者有因痰者火者君相二火也暑者  
天地二火也內外合而炎燥所以卒倒也痰者人身

之痰飲也因暑氣入而鼓激痰飲塞碍心竅則手足  
不知動撮而卒倒也此二者皆可吐經曰火鬱則發  
之吐則發散也吐醒後可以清劑治之暑傷脾胃嘔  
吐瀉利者黃連香茹飲合五苓散加木通滑石主之  
蓋黃連退熱香茹消暑五苓利水也若外傷暑熱內  
傷生冷外熱內寒宜先溫中消食次宜清暑補氣東  
垣清暑益氣湯則兼此意蓋人參黃芪白朮升麻葛  
根麥冬五味黃柏甘草是清暑益氣也蒼朮青皮東

皮神麴澤瀉是治內補脾也暑傷元氣身熱而煩四肢困倦不思飲食者清暑益氣補中益氣主之蓋病暑之人其氣必虛暑傷元氣故當補氣爲本惟肺熱多火者忌人參二术凡暑證有冒有傷有中三者輕重虛實不同若嘔吐惡心腹痛泄瀉此爲冒暑黃連香茹合四苓散并清暑益氣主之若身熱頭疼躁亂不寧身如鍼刺者此爲傷暑因暑傷內分也白虎合解毒加柴胡主之若寒熱咳嗽汗出不止脈數者熟

在肺金火乘金也此爲中暑清肺湯天水散主之急  
治則可遲則不救凡暑病脈雖虛手足雖冷原不可  
用熱藥當清暑之劑及利小便爲本凡日中勞役熱  
傷元氣者清暑益氣湯固矣若避暑納涼反爲陰寒  
所遏周身陽氣不得伸越以致頭身拘急肢節疼痛  
肌膚大熱惡寒無汗此雖中暑而致亦宜用辛溫之  
劑以解表散寒也清暑香茹飲夏月有四證傷寒傷  
風脈證互見中暑熱病疑似難明脈緊惡寒謂之傷

寒脈緩惡風謂之傷風脈盛壯熱謂之熱病脈虛身  
熱謂之傷暑凡暑脈必虛或浮大而散或弦細芤遲  
蓋熱傷氣故氣消而脈虛弱無風卒倒切不可與冷  
水飲并卧濕地其法急用童便灌醒及用布蘸熱湯  
熨臍并氣海續續令暖氣透徹臍腹俟醒省然後進  
藥注夏由於脾胃薄弱胃家有濕熱乃留飲所致夏  
初春末頭疼脚軟食少體熱者是也治用補中益氣  
去柴胡升麻加麥冬五味白芍黃柏黃芩山梔知母

傷濕中濕風濕第五十

傷濕者濕傷太陽經也中濕者濕中太陰經或少陰經也風濕者先傷風後傷濕風濕相搏而爲病也太陽病關節疼痛而煩脈沉而細者此名濕痺小便不利大便反快但當利其小便五苓散中濕一身盡痛而黃脈沉而緩小便不利大便反快甘草附子湯合五苓有黃加茵陳大小便俱利無黃木附湯風濕一身重痛不能轉側額上微汙出惡寒不欲去衣大便

難小便利熱至日晡而甚經曰病者一身盡痛發熱  
日晡所劇者此名風濕此病由汗出當風或久傷濕  
冷所致也治宜微解肌麻黃杏仁苡米甘草湯不嘔  
不渴脈浮虛者桂枝附子湯羌活沖和湯若止發汗  
則風去濕存非但無益而又害之濕多一痛小便自  
利甘草附子湯煩渴咽痛小便不利五苓散無熱不  
渴小便自利木附湯脈緩弱昏迷腹滿身重自汗失  
音不利不禁白通湯腫痛微喘惡風杏仁湯人參敗

卷之三

毒散熱而煩渴瓜蕷根散小柴胡加花粉亦可濕家病身疼痛發熱面黃而喘頭痛鼻塞而煩其脈大自能飲食腹中和無病病在頭中寒濕故鼻塞以黃瓜散納鼻中黃水出則愈濕家頭汗出背強欲得覆被向火若下之早則戰胸滿小便不利舌上如胎者以丹田有熱胸中有寒渴欲飲水而不能飲則口燥煩也濕家若下之額上汗出而喘小便利者死若下利不止者亦死汗出微喘陽氣上逆也小便利不利陰

氣下流也陰陽相離故云死矣經曰地之濕氣感則害人皮肉筋骨故其病筋骨疼痛重痛不可轉側四肢不利若濕在上病頭重嘔吐濕在中病腹滿中脹泄瀉濕在下病腫跗腫脚氣瞞瘡久不愈凡濕能傷脾土土一虧諸病生焉滯而爲喘咳潰而爲嘔吐滲而爲泄瀉溢而爲浮腫鬱於皮肉卽發黃流於腎則重着腰痛入於關節則一身盡痛挾風則頭目昏眩嘔噦心煩兼寒則拳攣掣痛無汗惡寒帶熱則煩渴

引飲心腹痛多汗其脈沉緩而微其證四肢重痛不舉法當利其小便或微汗以散之或燥濕以除之經曰治濕不利小便非其治也

濕溫證第五十六

濕溫者素傷於濕因而中暑濕與熱相搏則爲濕溫其脈陽軟而陰弱小而急其證胸腹滿目疼壯熱妄言自汗兩脰逆冷急而痛倦怠惡寒若發其汗使人不能言耳聲不知痛處其證身青面色變醫殺之

耳濕溫不可汗汗之名重暯死病在太陰蒼朮白虎  
湯濕甚身盡痛發熱身黃小便不利大便反快五苓  
散加茵陳臟腑虛自利甚理中湯术附湯加人參香

茹扁豆

水氣第五十七

凡人渴欲飲水不可不與亦不可多與不與則津液  
枯竭無由作汗多與則水氣停積變生他病矣如水  
停于心爲悸爲水結胸射于肺爲喘爲咳留于胃爲

噎爲噦畜于下爲瀆滲于腸中爲利溢于皮膚爲腫  
皆水過多也傷寒表未解心下有水氣乾嘔發熱而  
咳或渴或利或噎或小便不利小腹滿或咳者小青  
龍湯桂枝甘草之甘辛以發散表邪乾薑半夏細辛  
之辛以行水氣而潤腎芍藥五味之酸以收逆氣而  
安靜少陰病四五日腹痛小便不利四肢沉重疼痛  
自下利者此爲有水氣其人或咳或小便利或下利  
或嘔者真武湯心下怔忡頭微汗出但結胸無太熱

者大陷胸湯心下有水氣厥而悸當先治水茯苓甘草湯中風發熱而煩有表裏證渴欲飲水水入卽吐者名曰水逆五苓散

火劫第五十八

傷寒不得汗以火劫之邪熱與火熱兩相薰灼發於外則身黃搏於內則小便難火劫太甚則爲手足操擾捻衣摸牀爲難治小便利者尙可治也火邪迫血而血上行必衄血吐血血下行則圊血並用犀角地

黃之類主之火劫不得汗者邪無從出因火而甚病  
從腰以下必重而痺名火逆也麻黃杏仁薏苡甘草  
湯火劫汗大出者火熱入胃胃中竭躁煩必發謳語  
十餘日振慄自不利者此爲欲解也火劫亡陽驚狂  
起卧不安者桂枝去芍藥加蜀漆龍骨牡蠣救逆湯  
主之蓋桂枝解表去芍藥者以芍藥益陰非亡陽所  
宜火邪錯逆故加蜀漆之辛以散之陽氣欲脫故加  
龍牡之滻以固之

合病併病第五十九

合病者或二陽經或三陽經齊病不傳者是也併病者一陽經先受病未盡又過一經而傳者是也三陽合病皆自下利太陽陽明合病下利脈浮長者葛根湯少陽太陽合病下利脈浮弦者黃芩湯少陽陽明合病下利脈長大而不弦者爲順承氣湯若長大而弦者爲負者死太陽陽明合病大便堅小便數者爲脾約脾約凡惡寒者升麻葛根湯不惡寒反惡熱

大便不秘者白虎湯大便秘或譏語者承氣湯凡三陽合病無表證者俱可下也三陽合病腹滿身重難以轉側口不仁而面垢譏語遺尿發汗則譏語下之則額上汗出手足逆冷若自十出者白虎湯二陽合病太陽證罷但發潮熱手足熱熱汗出大便難而譏語下之愈大承氣湯凡二陽合病用二陽經藥三陽合病用三陽經藥如人參敗毒散乃三陽經之神藥麻黃湯本太陽經藥葛根白虎湯陽明經藥小柴胡

少陽經藥也三陽不與三陰合病若合病卽爲兩感死不可治

兩感傷寒第六十

兩感者陰陽襲傳也頭痛身熱太陽經受病也若兼舌乾口燥則少陰同受病矣其脈沉而必數身熱譏語陽明經受病也若兼腹滿咽乾則太陰同受病矣其脈沉而必長耳聾口苦寒熱少陽經受病也若兼煩滿囊縮消渴舌卷則厥陰同受病矣其脈必沉而

弦經曰兩感於寒者必不免於死又曰陽明者十二  
經脈之長三日氣盡則死矣仲景無治法東垣用大  
羌活湯節菴用冲和靈寶飲如表證多而甚急者用  
麻黃葛根爲解表如裏證多而甚急者用調胃承氣  
爲攻裏如陰經自中病者又當先救裏溫之以回陽  
救急湯分表裏寒熱而治此其權變大法也

六經傳變第六十一

陽中之陰太陽水是也爲三陽之首能巡經傳亦能

越經傳陽中之陽陽明土是也夫陽明爲中州之上  
主納而不出如太陽傳至此爲巡經傳也陰中之陽  
少陽木是也上傳陽明下傳太陰如太陽傳至此爲  
越經傳也陰中之陰太陰土是也上傳少陽爲順下  
傳少陰爲逆此爲上下傳也如太陰傳至此爲誤下  
傳也陰中之陽少陽火是也上傳太陰爲順下傳厥  
陰爲逆如太陽傳至此爲表裏傳也陰中之陰厥陰  
木是也上傳少陰爲實再傳至太陽爲欲愈也

太陽六經傳第六十二

夫太陽者巨陽是也爲諸陽之首膀胱經病若渴者  
自天於本也名曰傳本太陽傳陽明胃土者名巡經  
傳爲發汗不徹小便利餘邪不盡透入於裏也太陽  
傳少陽膽木者名越經傳太陽陽明爲先受病脈浮  
無汗當用麻黃而不用之故也太陽傳少陰腎水者  
名表裏傳爲得病急當發汗而反下之汗不發所以  
傳也太陽傳太陰脾土者名誤下傳爲先受病脈緩

有汗當用桂枝而反下之所致也當肘腹痛四肢沉重太陽傳厥陰肝木者爲三陰不至於首惟厥陰與督脈上行與太陽相接名曰巡經得度傳

足傳手經第六十三

足傳手經者膀胱逆傳小腸小腸逆傳心經而爲病也名越經證傷寒五六日漸變神昏不語或睡中獨語一二句目赤唇焦舌乾不飲水稀粥與之則嚥不與亦不思六脈沉而不洪心不不痞腹中不滿大小

便如常形如醉人此少陰心火炎上而迫肺所以神昏用導赤各半湯與食剝蕪者胃和故也不與亦不思神昏故也熱不在胃而誤下之未有不死者也

陽明傳少陰第六十四

傷寒脈尺寸俱長者曰汙大出身表如冰傳入於裏脈細而小其人動作如常故此陽明傳入少陰戊合癸卽夫傳婦也白虎加桂枝湯主之然脈雖細小亦當遲此病診脈疾而非遲故用此法

知可解第六十五

傷寒三日脈浮數而微病人身涼和者此爲欲解也  
解以夜半寸關尺三處小大浮沉遲數而微同等雖  
有寒熱不解者此脈陰陽爲和平雖劇當愈太陽傳  
陽明其中或有下證陽明反退不熱不渴卽顯少陽  
證是知可解也太陽證知可解者頭不痛項不強肢  
節不疼知表邪退也陽明病知可解者無發熱惡寒  
知裏易解也少陽證知可解者寒熱日不移時而作

邪未退也若用柴胡而其寒熱早移之於晏晏移之  
於早氣移之於血血移之於氣是也邪無可容之地  
知可解也傷寒三日三陽爲盡三陰當受邪其人反  
能食而不嘔此爲三陰不受邪也傷寒三日少陽脈  
小者欲已也太陰中風四肢煩疼陽微陰澁而長者  
爲愈少陽病脈緊至七八日自不利者脈暴微手足  
反溫脈緊反去者爲欲愈也雖煩不利必自愈少陰  
中風脈陽微陰浮爲欲愈厥陰中風脈微浮爲愈厥

陰病渴欲飲水者少少與之愈傷寒先厥後發熱而利者必自止凡厥利者當不能食反能食者恐爲除中食以索餅不發熱者胃氣尚在必愈厥陰病厥五日熱亦五日設六日當復厥不厥者自愈傷寒熱少厥微指頭微寒默默不欲食煩躁日小便自利白色者此熱除也欲得食其病爲愈傷寒厥少熱多其病當愈下利有微熱而渴脈弱者陽氣得復也會自愈下利脈數有微熱汗出會自愈設脈復緊爲未解下

利脈沉弦者下重也脈大者爲未止脈微弱數者爲欲自止雖發熱不死不利脈沉遲面少赤身有微熱下利清穀者必欬冒汗出而解下利脈數而渴者會自愈設不愈必圖膿血以有熱故也脈陰陽俱緊者日中氣出唇口乾燥到七八日以來其人微發熱手足溫者此爲欲解陰氣絕陽氣復也踰卧足冷鼻中涕出舌上胎滑陰猶在也勿妄治之或到七八日以上反大熱者爲難治設使惡寒必惡心欲嘔也腹內

痛者必欲利也脈陰陽俱緊至於吐利其脈獨不解緊去人安此爲欲解若脈遲至六七日不飲食此爲晚發水停故也爲未解食自可者爲欲解病六七日手足三部脈皆至大煩而口噤不能言其人煩躁者必欲愈也若脈和其人大煩目重臉內際黃者此欲解也

傷寒欲解時第六十六

太陽病欲解時從巳至未上陽明病欲解時從申至

戊上少陽病欲解時從寅至辰上太陰病欲解時從亥至丑上少陰病欲解時從子至寅上厥陰病欲解時從丑至卯上

陽生於子子爲一陽丑爲二陽寅爲三陽陰則得陽解也

傷寒欲解日第六十七

不兩感於寒更不傳經不加異氣者至七日太陽病頭痛少愈八日陽明病衰身熱少歇九日少陽病

衰耳聾少愈十日太陰病裏腹減如故則思飲食十一日少陰病衰渴止舌乾已而嚏十二日厥陰病衰囊縱小腹微下大氣皆去病人精神爽慧也 凡發熱惡寒者發於陽也無熱惡寒者發於陰也發於陽者七日愈發於陰者六日愈陽數七陰數六也風家表解而不了了者十二日愈

過經不解第六十八

傷寒十三日不解謂之過經若脈尺寸陷者大危也

傷寒過經正氣多虛有表證當汗者冲和湯微汗之  
有裏證當下者大柴胡湯微下之有柴胡證未罷者  
小柴胡和解之若人虛脈弱者參胡三白湯主之虛  
煩少氣者人參竹葉湯主之虛煩不眠者參胡三白  
湯主之內熱不止者鱉甲湯主之若更感異氣變爲  
他病當依壞證而治之

溫瘧第六十九

經曰脈陰陽俱盛重感於寒者變爲溫瘧凡寒熱往

來口苦胸滿者小柴胡加桂枝芍藥湯寒多倍桂熟  
多倍柴芩熟甚煩渴者人參白虎湯熟甚多痰者小  
柴胡湯合二陳食少胃弱加白朮心滿加枳實黃連  
渴去半夏加瓜蔓根若裏急不大便用大柴胡湯凡  
瘧由於暑傷寒似瘧由於寒寒傷血暑傷氣其所傷  
既自不同治法亦不得不異王執中曰正瘧以似瘧  
治用桂枝柴胡必至於汗多亡陽纏綿不已而勞瘵  
瘧母之證作矣似瘧而以正瘧治之多用參芪則補

塞邪氣讞語發斑舌生芒刺而死證作矣醫者慎之  
凡瘧多由於中氣不足脾胃虛者暑邪乘虛客之而  
作雖隨經隨證投藥解散必先清暑益氣調理脾胃  
爲主有食兼消食有風兼散風有痰兼豁痰或瘧癘  
兼消瘴癘汗多者固表無汗者解散表邪泄利者升  
發兼利小便大便燥者兼益陰潤燥病有陰陽藥分  
氣血證有緩急治因先後人有虛實藥異攻補久而不  
不解必屬於虛氣虛補氣血虛補血氣血俱虛氣血

並補非大補真氣大健脾胃不能瘳也治以清暑益  
氣湯爲主熱甚者竹葉石膏湯邪并於陽則發熱冰  
水不能涼邪并於陰則發寒湯火不能溫并則病作  
離則病止作止有時在氣則發早在血則發晏淺則  
日作深則間作先寒後熱者夏傷於大暑其汗大出  
腠理開發日遇夏氣淒滄之小寒藏於腠理皮膚之  
中秋傷於風則病成矣夫寒者陰氣也風者陽氣也  
先傷於風後傷於寒故先熱而後寒也亦以時作名

曰溫瘧其但熱不寒者陰氣先絕陽氣獨發則先少  
氣煩冤手足熱而欲嘔名曰瘲瘧又溫瘧者得之冬  
中於風寒氣藏於骨髓之中至春則陽氣大發邪氣  
不得自出因遇大暑髓腦灼肌肉消腠理發泄或有  
所用力邪氣與汗皆出此病藏於腎其氣先從內而  
出之於外也如是者陰虛而陽盛陽盛則熱矣衰則  
氣從背入人則陰虛陰虛則寒矣故先熱而後寒名  
曰溫瘲瘲瘧者肺素有熱氣盛於身厥逆土沖中氣

冲實而不外泄因有所用力腠理開風寒居皮毛之內分肉之間而發發則陽氣盛陽氣盛而不衰則病矣其氣不及於陰故但熱而不寒寒氣內藏於心而外居於分肉之間令人消鑠肌肉故名曰瘧瘧足太陽瘧令人腰痛頭重寒從背起先寒後熱煩渴渴然熱止汗出難已足少陽瘧令人身體解㑊寒不甚熱不甚惡見人見人心陽惕然熱多汗出甚足陽明瘧先寒酒浙寒甚乃熱熱去汗出喜見日月火光明

氣乃快然足太陰瘧令人不樂好太息不嗜食多寒  
熱汗出病至則善嘔嘔已乃衰足少陰瘧令人嘔吐  
寒多熱少欲閉戶塞牖而處其病難已足厥陰瘧令  
人腰痛小腹痛小便不利如癃狀非癃也數便意恐  
懼氣不足腹中悒悒肺瘧者令人心寒寒甚而熱熱  
間善驚如有所見心瘧者令人心煩甚欲得清水反  
寒多不甚熱桂枝加黃芩湯肝瘧者令人色蒼蒼然  
太息其狀若死者膽瘧者令人心寒甚寒甚則腹中

痛熱則腸中鳴鳴已汙出胃瘧者令人且病也善飢而不能食食而支滿腹大腎瘧者令人洒洒然腰脊痛不能~~久~~轉大便難目睭睭然手足寒凡治瘧先發初輕乃可以治過之則失時也病在陰則寒而脈靜病在陽則熱而脈躁瘧脈多弦弦遲多寒弦數多熱若瘧久脈散大者死也治瘧誤下暑邪陷內變爲滯下者宜用芩連芍藥滑石紅薑甘草佐以柴葛升麻表裏分消之

風溫第七十

經曰陽脈浮滑陰脈濡弱者更遇于風變爲風溫又曰發汗已身猶灼熱者名曰風溫風溫病脈陰陽俱浮自汗出身重多眠睡息必鼾語言難出若被下小便不利直視失溲若被火微發黃色劇則如驚癇時瘧癰節菴曰風溫者尺寸俱浮素傷於風因而傷熱風與熱搏卽爲風溫其外證四肢不收自汗頭痛喘息發渴昏睡或體重不仁不可發汗汗之則譫語煩

臻目無精光病在少陰厥陰萎蕤湯葛根龍膽湯渴甚括囊根湯脈浮身重汗出防已湯選用未醒柴胡桂枝湯發汗已身灼熱者知母葛根湯

溫毒第七十一

經曰陽脈洪數陰脈實大者遇溫熱爲溫毒爲病最重也表裏皆熱故也又溫毒者冬月感寒毒異氣至春始發也表裏未罷毒氣不散故有發斑之證也心下煩悶嘔逆咳嗽後必下利治須用元參升麻湯黑

膏攬和服之若無汗三黃石膏湯有汗人參白虎湯  
主之內實不大便大柴胡湯主之

溫疫第七十二

經曰陽脈弱陰脈弦緊者更遇溫氣變爲溫疫治法  
與溫病同溫瘧風溫溫毒溫疫四證皆傷寒壞證前  
熱未除更感異氣而變焉者也

傷寒死證第七十三

夫傷寒死證一一細明生死不明將何措手非惟有

于名節亦且投藥無用如赤斑者五死五生黑斑者  
十死一生陰病見陽脈者生陽病見陰脈者死脈陰  
陽俱盛大汗出不解者死脈陰陽俱虛熱不止者死  
脈至乍躁乍數者死脈至如轉索者死在卽日讞語  
妄言逆冷脈沉細者一日死脈絕不至或久乃至者  
立死少陽發汗連厥陰血者竭厥而死發左右動氣  
汗者死發風溫汗者死發陰陽毒汗過六七日死大  
發濕家汗成瘡者死發少陽汗者死發濕家汗中暎

者死兩感傷寒者死汗之不爲汗衰爲陰陽交者死  
狂言不食者死發厥肌冷發燥先時後寧者曰藏厥  
而死結胸證舌上生胎爲藏結者死咳逆不止者死  
古卷囊縮者少陰吐利煩躁四逆者死結胸證煩躁  
悉具者死少陽陽明合病下利脈長大而弦名曰負  
負者目亂無精氣神目無光者死婦人病新差男子  
與之交曰陰易男子病新差婦人與之交曰陽易男  
子陰腫少腹痛婦人裏痛連腰股痛眼昏四肢拘急

爲女勞復者死下利本不能食反能食曰除中者死  
傷寒七八日大發熱汗出不止如貫珠此本氣衰者  
死爪甲青爲陽衰者死循衣摸牀喘而不休衛氣絕  
者死柔汗冷汗也發黃脾絕也死唇吻反青四肢濶  
滅然汗出肝絕也死環口黧黑脈絕也死陽反獨留  
體如烟薰直視搖頭心絕也死面黑遺尿腎絕也死  
聲如鼻鼾汗出髮潤喘不休者肺絕也死身體如僵  
正氣脫也死喘而不休邪氣勝也死水漿不下胃氣

絕也死形體不仁營衛不行也死乍靜乍亂者死頭  
重視深天柱骨倒元氣絕也死大便濁氣臭者死目  
睛正圓者死卵縮入腹脈離經者死差後小仲溢者  
有血名內外瘡皆黑靨不出瞞者死少陰下利止頭  
眩時時自冒者死熱甚躁急不得汗出是脈極也死  
舌上黑胎生芒刺刮不去易生者死夏月可治鼻衄  
自汗者死胃寒發呃丁香茴香柿蒂良薑薑湯調服  
脈不出加膽汁合生脈散脈又不出反暴出者皆死

急下急溫第七十四

急下急溫者病勢危篤將有變也非若常病可緩如少陰舌乾口渴因邪熱內攻腎水將絕當急下之以救腎家將絕之水少陰自利純清水心下鞭痛口燥渴者有燥屎也急下之少陰腹脹鞭痛或遷臍痛不大便土尅水也急下之陽明熱甚恐胃汁乾急下以存津液陽明腹滿痛爲土實急下之熱病目不明熱不止多死目睛不明腎水已竭不能照物則已危矣

急下之俱用大承氣湯少陰急溫有二證脈沉微內  
寒已甚陽和之氣欲絕急溫之少陰膈上有寒飲乾  
嘔不可吐急溫之四逆湯

可汗不可汗第七十五

凡發熱惡寒頭疼體痛頭項強四肢拘急脈浮緊或  
浮數無汗者汗之汗後不解表證仍在者再汗之若  
口燥舌乾或口舌咽燥或咽喉痛或衄血或吐血或  
下血或小便淋瀝或大便瀉利或瘡漏或動氣或房

勞或夢泄或內傷勞倦氣血兩虧或風溫濕溫中暑  
或婦人經水適來或婦人新產血虛六脈微細或尺  
脈微弱者皆不宜發汗也

可吐不可吐第七十六

凡病在胃膈上或食在胃口或痰在胸中煩滿或胸  
中懊憹或厥冷脈弦寒氣在胸中或下利寸口脈滑  
或霍亂心腹刺痛者皆宜吐之經曰在上者因而越  
之也若元氣虛羸或房勞陰虛或勞倦內傷婦人胎

產崩漏或經水適來適斷或寸脈虛細無力者皆不宜吐也

可下不可下第七十七

凡蒸蒸發熱大便不通或潮熱自汗譫語煩渴大便不通或潮熱腹痛或潮熱腹脹滿鞭痛或繞臍鞭痛或下利脈滑數或下利心下鞭痛或目不了了大便不通脈沉實沉數沉滑有力者皆宜下之不盡再之下後腹中虛軟脈無力者爲虛也參胡三白湯加

歸身和之下後發熱潮熱往來寒熱不解者小柴胡  
加減治之煩熱不得眠者溫膽湯加竹葉石膏主之  
下後利不止身疼痛脈無力者溫經益元湯加東壁  
土白朮升麻去當歸地黃主之若惡風惡寒或頭疼  
項腰脊強痛拘急或嘔吐咽中閉塞或腹中時滿時  
減或腹脹可揉可按或時雷鳴或臍有動氣或不轉  
失氣或小便清白或少陽膽病或陽明面色正赤者  
或內傷勞役或陰虛勞倦或婦人胎產崩漏或經水

適來適斷或夾陰面赤或陰證手足厥冷六脈俱細  
或大而無力或尺脈遲者皆不宜下也凡下證須用  
湯液切忌丸藥蓋丸藥不能除根也

可溫不可溫第七十八

經曰無熱惡寒發於陰凡無熱惡寒脈沉遲細或伏  
絶皆宜溫之若燥渴飲水或潮熱讞語或身熱小便  
赤或揚手擲足或斑黃狂亂脈沉實沉數沉滑洪大  
有力者皆不宜溫者也

太陽一下有八變第七十九

太陽病下之其脈促不結胸者此爲欲解也脈浮者必結胸也脈緊者必咽痛脈弦者必兩脇俱急也脈細數者頭痛未止脈沉緊者必欲嘔脈沉滑者協熱利脈浮滑者必下血也

傷寒差後一動有八變第八十

一變中滿減食因火邪伏脾經不敢故成中滿用醒脾散二變怯證因邪伏於腎經不敢而成骨蒸羸

瘦用當歸補血湯三變囊癰因火邪伏於肝經不散  
故囊腫而痛不已則成膿用連翹防風湯四變瘻因  
邪火伏於脾經正氣交攻變成瘻證用必勝散五變  
利因邪火伏於胃移熱於脾與水穀相併故成休息  
利最是難治用分經養脾湯六變淋血因邪火伏於  
心經移熱於小腸故小便淋血痛甚小便不通者必  
死用加減四苓散七變肺痿因邪火伏於肺不散而  
成咳嗽吐痰成癰膿者不治用清肺化痰湯八變骨

痙因邪火伏於脾腎一經不散癱臥不起日漸羸瘦  
久則成瘓而死用十全大補湯解後虛羸少氣氣逆欲吐者與竹葉石膏湯調胃散熱也

石頑曰亦有少火氣衰中土不溫不能約制津液者理中丸加益智仁以收攝之病新差後口中和喜呕不止者此胃中有寒宜理中

湯溫之差後口乾喜唾或咽痛人參竹瀝湯加烏梅  
川連知母花粉主之咽痛者用山豆根磨水噙之復  
用甘桔湯加芩連山梔連翹薄荷主之

此條宗全生集補

差後虛弱第八十二

差後虛弱盜汗不止屬陰虛用當歸六黃湯陽虛自  
汗無熱惡寒無力下虛用加味黃芪建中湯差後心  
神恍惚不寧夜卧煩躁不安或亂夢虛驚不眠因汗

下過多心血虧少用硃砂安神加茯神遠志棗仁有

痰加橘紅

差後昏沉第八十三

差者病後也病後昏沉不省者先因發汗不盡餘熱在心包絡間也壯熱脈有力者知母麻黃湯虛弱脈無力者十味溫膽湯寒熱往來日晡潮熱者參胡溫膽湯加芩連

差後浮腫第八十四

差後腰下浮腫者澤瀉牡蠣湯胃虛食少者五苓散  
加蒼朮陳皮木香砂仁差後足腫不妨節飲食戒酒  
色胃氣強腫自消也

差後頤瘡第八十五

傷寒汗下不徹餘邪結在耳後或耳下硬腫者曰遺  
毒宜速消散緩之如成膿以連翹敗毒散治之發腫  
有膿不消或已破未破俱用內托消毒散

差後碗豆瘡第八十六

碗豆瘡者因汗下後餘毒未盡差後故發碗豆瘡也  
只以黃連甘草歸尾紅花防風苦參荆芥連翹羌活  
白芷煎服外用朴硝赤小豆青黛爲末以雞子清猪  
膽汁調敷瘡上最效勿動待其脫落此病小便澁有  
血者中壞也瘡皆黑膿不出膿者死差後發碗豆瘡  
小便澁有血者名曰內外瘡用黃連解毒湯

差後飲酒復劇第八十七

傷寒病熱未解而飲酒者則病增劇而反熱甚也脈

弦數小柴胡合解毒脈洪大白虎合解毒並加烏梅  
乾葛砂仁

差後食復第八十八

差後胃氣尙弱不能消穀假若食早或食多而復發  
熱者曰食復食復煩熱腹滿便閉關脈實者枳殼梔  
子大黃湯食復微熱微煩大便如常損穀則愈凡傷  
寒病後只宜先進稀米飲次進稀粥又宜少少與之  
常令不足不能盡意諸般肉食不可盡意與之經曰

肉食則遺多食則復此其禁也

差後勞復第八十九

差後餘熱未除血氣尙虛假若勞動使氣血沸騰而  
邪熱隨還於經絡而發熱也謂遺熱脈浮者微汗之  
柴胡桂枝湯脈沉者下之調胃承氣湯不應汗下者  
參胡三白湯虛熱無力者參胡溫膽湯陰虛火動者  
補中湯加黃柏知母無熱有寒者人參養榮湯加熟

附子

女勞復第九十

差後交接淫慾無病人反得病曰陰陽易病人病復發曰女勞復其候頭重不舉目中生花腰背痛小腹裏急絞痛或憎寒發熱或時陰火上衝頭面烘熱心胸煩悶者竹皮裡襍散加鼠屎有熱加柴胡調赤衣散人虛弱者參胡三白湯調赤衣散小腹急痛脈沉足冷用當歸四逆湯加熟附茱萸送下赤衣散若卵縮入腹脈見離經者死也

陰陽易第九十一

易者以其邪毒之氣交相換易也男子病新差婦人與之交而爲病曰陽易婦人病新差男子與之交而爲病曰陰易其人身重少氣小腹裏急或引陰中拘攣熱上冲胸頭重不欲舉眼中生花膝脛拘急者燒祝散主之若傷腎經真陽虛損有寒無熱脈虛足冷者人參四逆湯調下祝福散若傷肝經當歸四逆湯加熟附茱萸調下祝福散分寒熱而治陰易熱氣上

冲胸中煩悶手足攣拳搐搦如風狀瓜薑竹茹湯婦人病未平復有犯房事小腹急痛連腰膝痛四肢不仁無熱者當歸白朮散陰陽易不差大便不通心神悶亂驚惕不安妙香丸節菴通用逍遙散加滑石生地甘草犀角柴胡入燒裯散調服以小水利陰頭腫卽愈男子陰腫小腹痛婦人裏急連腰股痛眼花四肢拘急或舌見吐出脈見離經者死也未交接而思慾事因而得病者治法與陰陽易女勞復同

足太陽膀胱經證第九十二

太陽經爲諸陽之首故多傳變受病也其經起於目內眞睛明穴上額交顛連風府行身之背終于足小指至陰穴也凡惡寒發熱頭疼項腰強惡心四肢拘急腰疼骨節痛此是太陽經表證標病也不拘日數多少便宜發散冬月無汗麻黃湯有汗桂枝湯三時無汗芎薈飲冲和湯有汗加減冲和湯羌活散若加發熱煩渴小便不利此是太陽傳裏本病也名熱結

膀胱宜利小便五苓散若小便自利如常者不可利也利之則引熱入裏爲熱結膀胱其人如狂等證又不可下下之使表邪乘虛入裏爲痞滿結胸協熱利等證卽當發汗亦不可太過太過則亡陽內瞯筋惕等證故曰有汗不得服麻黃無汗不得服桂枝有汗不可再發汗汗多不得利小便也脈浮緊有力者爲傷寒浮緩無力爲傷風脈浮煩渴小便不利爲熱結膀胱尺寸俱浮者太陽受病也大要脈靜爲不傳脈

踪甚爲傳也

足陽明胃經第九十三

足陽明經乃兩陽合明於前也。白府者居中土也。萬物之所歸也。其經起于鼻交額中循鼻入齒還出挾口環唇下循喉嚨行身之前終於足大指次指厲兑穴也。凡頭目痛額痛鼻乾不眠微惡寒此是陽明標病也。不拘日數多少便宜解肌葛根湯節菴用柴胡葛根解肌湯若身熱煩渴飲水汗出惡熱者此是

陽明經本病也宜清解邪熱白虎湯若潮熱自汗譖語發渴不惡寒反惡熱揭衣去被揚手擲足或發斑黃狂亂大便燥實不通或手足乍溫乍冷腹滿硬痛喘急此是正陽明胃府大實病也宜下三因承氣湯脈微洪熱在經洪數熱在府沉數熱在裏尺寸俱長者陽明受病也陽明不當發汗不當利小便若發汗利小便竭其津液則生畜血證也東垣曰汗多亡陽下多亡陰利小便走氣三者雖異亡津液一也陽明

無汗而渴禁用白虎湯汗多而渴禁用五苓散故曰  
陽明潮熱汗多小便固少不可利利之加喘渴者死  
也

足少陽膽經第九十四

足少陽經前有陽明後有太陰居陰陽之中所以主  
半表半裏其經起於目內眞子竅上至頭角絡耳  
中循胸脇行身之側終於足小指次指竅陰穴也凡  
頭痛目眩耳聾口苦胸滿脇痛或心煩喜嘔或胸中

煩悶而不嘔或心中痛輒或寒熱往來或寅申時發  
熱猶甚或身微熱者此是少陽半表半裏病也緣膽  
無出入故病在半表半裏之間正宜小柴胡湯小柴  
胡證或以他藥下之柴胡證仍在再與小柴胡湯必  
蒸蒸發熱汗出而解也應用小柴胡誤用承氣致身  
發黃者死也金匱曰飲水者水停而嘔食穀者物聚  
而噦皆非小柴胡所宜少陽有三禁不可汗不可下  
不可利小便脈尺寸俱弦者少陽受病也

足太陰脾經證第九十五

足太陰脾經爲三陰之首中宮土也其經起於足大指隱白穴上行至腹絡於咽連舌本循身之前也凡身體壯熱腹滿咽乾手足溫此是少陽經傳入太陰標病也宜平熱柴胡桂枝湯若腹滿痛燥渴身目黃茵陳湯大熱之氣寒以收之茵陳梔子之苦寒以逐胃燥宜下必以苦宜補必以酸大黃之苦以下瘀熱小便赤大便燥實不通亦是陽經熱邪傳入太陰本

病也宜下桂枝大黃湯若初起頭不痛身不熱口不渴就便怕寒中脘腹滿痛或吐或利手足冷小便清白此是本經直中寒邪本病宜溫理中湯若初起無熱不渴止有胸膈膜脹滿悶面唇皆無光澤或嘔心腹急痛手足冷自覺不舒快少情緒其脈沉細此證不因嗜慾皆因生冷之物傷之於脾胃故爲內傷寒也宜溫散治中湯內有寒熱兩端不可混治大要腹滿咽乾屬熱自利不渴或嘔吐者屬寒脈沉緩熱在

經沉實熱在府沉細寒在臟尺寸俱沉細者太陰受病也

足少陰腎經證第九十六

足少陰腎經人之根蒂也其經起於足心湧泉穴上行貫脊循喉嚨絡舌本下注心胸行身之前也凡口燥舌乾渴而譫語大便實或達脣鞭痛或不利純清白水心下鞭痛此是陽經熱邪傳入少陰標病也宜急下大承氣湯若初起而赤身熱脈沉足冷此是本

經自受夾陰傷寒標與本病也宜溫經散寒用麻黃附子細辛湯若加煩躁欲坐卧於井中雖飲水而不受面赤脈沉足冷此是陰極發躁本病也宜退陰回陽四逆湯合生脈散入辰砂白蜜細茶冷服若身熱面赤足冷煩躁欲飲揭去衣被脈大無力此虛陽伏陰標與本病宜解表裏加減五積散若初起身不熱頭不痛口不渴就便怕冷厥冷躁卧或臍腹疼而吐瀉或戰慄面如刀刮此是本經直中寒邪本病也宜

急溫四逆湯若無熱惡寒面色青小腹絞痛足冷脈沉倦卧不渴或吐利甚則舌卷囊縮昏沉不醒手足指甲皆青冷過肘膝心下脹滿湯藥俱不受此是夾陰中寒之本病也宜溫補四逆湯加入參若身熱面赤脈沉足冷身疼痛下利清穀此是陰痢寒證俗呼漏底也宜溫裏四逆湯加入參白朮茯苓肉桂肉荳砂仁木通燈草升麻少許六經中惟此難辦大要口燥舌乾渴而譏語大便實者屬熱嘔吐瀉利不渴或

煩渴仍不能飲或惡寒腹痛者屬寒脈沉實有力熱在臟沉細無力寒在臟數大無力爲虛陽伏陰夫傷寒夾陰中寒陰極發躁脈皆沉也尺寸俱沉者少陰受病也

足厥陰肝經證第九十七

厥者盡也足厥陰肝經爲六脈之尾也其經于起足大指大敦穴也環陰器抵小腹循脇上口唇與督脈會於顳項行身前之側也凡消渴煩滿舌卷囊縮譫

妄大便不通手足乍寒乍熱此是陽經熱邪傳入厥陰本病也宜急下太承氣湯若發熱惡寒如瘧狀此是熱邪在經標病也宜和解桂麻各半湯若不嘔清水病自愈若初起不頭疼身熱口不渴就便怕寒四肢厥冷或小腹至陰疼痛或吐瀉體痛嘔噦涎沫甚則指甲手足面唇皆青冷過肘膝舌卷囊縮此是本經直中真寒本病也急溫之茱萸四逆湯內有寒熱兩端不可混治大約煩滿囊拳消渴者屬熱口吐涎

沫不渴厥冷者屬寒脈沉實有力者熱在臟沉細無力或伏絕寒在臟浮緩者熱在經微浮微緩病自愈尺寸俱微緩厥陰病也

本草言小頭至大頭頭五毫謂脉動越其未甚水宿自愈甚以張子與東皇辨口不顯掠更外寒因雲霧冰毒體脉迫宜吐氣熱津谷半晨寒不顯掠本草止宜大氣寒熱之發寒者吸氣未也傷寒補天石下終于寒子清此是下除人風